



განმცხადებელი (დანიშნულებული პირი)

ქალაქ თბილისის მუნიციპალიტეტის მერია
მისამართი: შარტავას ქ. 7ა
საკონტაქტო ინფორმაცია: (+995 32) 2 72 22 22;
განცხადების N: 01-01230722061 განცხადების თარიღი: 13.03.2023
ხელმოწერილი: კახა კალაძე თანამდებობა: მერი

განცხადება/ნომენკლატურა

ქალაქ თბილისის მუნიციპალიტეტის საკრებულო
თავისუფალი განცხადება

მოთხოვნის ტექსტი

„ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში ცვლილების შეტანის შესახებ“

დამატებითი ინფორმაცია

- ფურცლების რაოდენობა: 0
- დანართი: -
- პასუხის გაცემის ფორმა:



ქალაქ თბილისის მუნიციპალიტეტის მერი



წერილის ნომერი: **01-01230722061**
თარიღი: **13/03/2023**

ადრესატი: ქალაქ თბილისის მუნიციპალიტეტის საკრებულო
მისამართი: თავისუფლების მოედანი N2

ქალაქ თბილისის მუნიციპალიტეტის საკრებულოს
თავმჯდომარეს

ბატონ გიორგი ტყემალაძეს

ბატონო გიორგი,

„ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის 67-ე მუხლის პირველი პუნქტის „ა“ ქვეპუნქტის საფუძველზე, გთხოვთ, ქალაქ თბილისის მუნიციპალიტეტის საკრებულოს სხდომაზე, განიხილოთ, „ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი.

დანართი: 8 (რვა) ფურცელი.

პატივისცემით,

კახა კალაძე

ქალაქ თბილისის მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი



ქალაქ თბილისის მუნიციპალიტეტის საკრებულოს
დადგენილება №
2023 წლის _____
ქ. თბილისი

„ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში ცვლილების შეტანის შესახებ

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 პუნქტისა და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ თბილისის მუნიციპალიტეტის საკრებულო ადგენს:

მუხლი 1.

შევიდეს ცვლილება „ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში (ვებგვერდი: www.matsne.gov.ge; გამოქვეყნების თარიღი: 16/01/2018; სარეგისტრაციო კოდი: 010260020.35.101.016458) და დადგენილების პირველი მუხლით დამტკიცებული ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების:

1. მე-2 მუხლის:

ა) მე-2 პუნქტის:

ა.ა) „დ“ ქვეპუნქტი ჩამოყალიბდეს შემდეგი რედაქციით:

„დ) დედაქალაქში სკოლამდელი განათლების განვითარების ხელშეწყობა;“;

ა.ბ) „კ“ ქვეპუნქტი ჩამოყალიბდეს შემდეგი რედაქციით:

„კ) მსოფლიოს ქალაქებსა და დედაქალაქებთან განათლების საკითხების ირგვლივ თანამშრომლობის სფეროში თბილისის კავშირების განვითარების ხელშეწყობა; განათლების საკითხებთან მიმართებაში ქვეყნის საზღვრებს გარეთ ჩატარებულ ღონისძიებებზე შესაბამისი პირების მონაწილეობის ხელშეწყობა. საზღვარგარეთიდან სპეციალისტების მოწვევა განათლების სფეროში მოღვაწე ადგილობრივი სპეციალისტების კვალიფიკაციის ასამაღლებლად, გამოცდილების გასაზიარებლად, კონფერენციების, სემინარებისა და მასტერკლასების მოსაწყობად; გაცვლითი პროგრამების, კვალიფიკაციის ასამაღლებელი კურსების მხარდაჭერა განათლების სფეროს სპეციალისტებისათვის და სტუდენტებისათვის;“;

ა.გ) „ნ“ ქვეპუნქტი ჩამოყალიბდეს შემდეგი რედაქციით:

„ნ) პროფესიული განვითარების, მათ შორის პროფესიული მომზადების/გადამზადების პროგრამების შემუშავებაში და განხორციელებაში მონაწილეობა, ადგილობრივი და საზღვარგარეთ სტაჟირების პროგრამების განხორციელება.“;

ბ) მე-3 პუნქტს „დ“ ქვეპუნქტის შემდეგ დაემატოს შემდეგი შინაარსის „დ1“ ქვეპუნქტი:

„დ¹) სპორტული მედიცინის და ფიზიკური რეაბილიტაციის სერვისების განვითარების ხელშეწყობა;“;

გ) მე-3 პუნქტის:

გ.ა) „ე“ ქვეპუნქტი ჩამოყალიბდეს შემდეგი რედაქციით:

„ე) ფიზიკური აღზრდის და სპორტის სფეროში თანამედროვე მეთოდების დანერგვა, ახალგაზრდობის და მოსახლეობის ყველა ასაკობრივ კატეგორიაში ცხოვრების ჯანსაღი წესის დამკვიდრება;“;

გ. ბ) „ვ“ ქვეპუნქტი ჩამოყალიბდეს შემდეგი რედაქციით:

„ვ) საზღვარგარეთის ქვეყნების სპორტულ ორგანიზაციებთან მეგობრული, საქმიანი კონტაქტების დამყარება, თბილისის მერიის სპორტის სფეროში დასაქმებული კადრების კვალიფიკაციის ამაღლების და სტაჟირების მიზნით მათი მივლინების უზრუნველყოფა საზღვარგარეთის ქვეყნებში, მსოფლიო და ევროპის ჩემპიონატებში და საერთაშორისო ტურნირებში თბილისის მერიის სპორტული დელეგაციების, მწვრთნელთა და დამხმარე პერსონალის მივლინება;“;

გ. გ) „ი“ ქვეპუნქტი ჩამოყალიბდეს შემდეგი რედაქციით:

„ი) სამსახურს დაქვემდებარებული სპორტის ბაზების მოვლა-პატრონობა;“;

გ. დ) „პ“ ქვეპუნქტი ჩამოყალიბდეს შემდეგი რედაქციით:

„პ) სამსახურის ამოცანების განხორციელების მიზნით, სპორტის სფეროში შესაბამის ადმინისტრაციულ ორგანოებთან და იურიდიულ პირებთან თანამშრომლობა.“;

დ) მე-4 პუნქტის:

დ.ა) „გ“ ქვეპუნქტი ჩამოყალიბდეს შემდეგი რედაქციით:

„გ) ახალგაზრდების პრობლემებთან დაკავშირებით კვლევითი საქმიანობის განხორციელება, პრიორიტეტული საკითხების გამოვლენა და მათი გადაწყვეტის მიზნით შესაბამისი ღონისძიებების გატარება, რეკომენდაციების და წინადადებების შემუშავება, ახალგაზრდობის სფეროში ერთიანი ახალგაზრდობის პოლიტიკის გატარება;“;

დ.ბ) „ე“ ქვეპუნქტი ჩამოყალიბდეს შემდეგი რედაქციით:

„ე) ახალგაზრდებში სპორტისა და ცხოვრების ჯანსაღი წესის პოპულარიზაციის მიზნით მასობრივი ღონისძიებების დაგეგმვა და განხორციელება; ახალგაზრდების მოხალისეობის, ჯანმრთელობისა და კეთილდღეობის ხელშეწყობა;“;

დ.გ) „ზ“ ქვეპუნქტი ჩამოყალიბდეს შემდეგი რედაქციით:

„ზ) ახალგაზრდული ინიციატივებისა და იდეების მხარდაჭერა, ნიჭიერი ახალგაზრდების წახალისების პროგრამების შემუშავება, ახალგაზრდების სოციალური მეწარმეობის განვითარების მიზნით პროექტების ხელშეწყობა;“;

ე) მე-5 პუნქტის „ა“, „ბ“ და „გ“ ქვეპუნქტები ჩამოყალიბდეს შემდეგი რედაქციით:

„ა) სამსახურის დაქვემდებარებაში მყოფი იურიდიული პირებისთვის ინფრასტრუქტურის რეაბილიტაციისა და განვითარების შესახებ შესაბამისი მუნიციპალური პროგრამების, პროექტების მომზადება და მათი განხორციელების უზრუნველყოფა;

„ბ) სამსახურის დაქვემდებარებაში მყოფი იურიდიული პირების ნორმალური ფუნქციონირებისთვის საჭირო წინადადებებისა და კონცეფციების შემუშავება, მათი განხორციელების უზრუნველყოფა;

„გ) სამსახურის საქმიანობასთან დაკავშირებული სამართლებრივი აქტების, ხელშეკრულებების, შეთანხმებების, მემორანდუმებისა და სხვა დოკუმენტაციის პროექტების მომზადება;“;

2. მე-5 მუხლის:

ა) მე-2 პუნქტის:

ა.ა) „ბ“ და „გ“ ქვეპუნქტები ჩამოყალიბდეს შემდეგი რედაქციით:

„ბ) სამსახურის დაქვემდებარებაში მყოფ იურიდიულ პირებში ინფრასტრუქტურული პროექტების განხორციელება, რეაბილიტაცია და მატერიალურ-ტექნიკური ბაზის გაუმჯობესება;

„გ) სამსახურის დაქვემდებარებაში მყოფი იურიდიული პირების წლიური ანგარიშების შესწავლა;“;

ა.ბ) „კ“ ქვეპუნქტი ამოღებულ იქნეს;

ა.გ) „ლ“ ქვეპუნქტი ჩამოყალიბდეს შემდეგი რედაქციით:

„ლ) ქალაქ თბილისის მუნიციპალიტეტის ადმინისტრაციულ საზღვრებში არქიტექტურულ-მხატვრული კომპოზიციის და მემორიალური დაფის განთავსების შესახებ განცხადებების განხილვა და კანონმდებლობით გათვალისწინებული შესაბამისი პროცედურების განხორციელება;“;

ბ) მე-3 პუნქტის:

ბ.ა) „გ“, „დ“, „ე“ და „ვ“ ქვეპუნქტები ჩამოყალიბდეს შემდეგი რედაქციით:

„გ) კულტურულ-საგანმანათლებლო პროექტების განხორციელების ხელშეწყობა;

„დ) სამსახურის კომპეტენციის ფარგლებში სახალხო და სახელმწიფო დღესასწაულების კონცეფციების შემუშავება და განხორციელების უზრუნველყოფა;

„ე) მსოფლიოს სხვადასხვა ქალაქების კულტურის სფეროს მიკუთვნებული წარმატებული პროექტების მოძიება და გამოცდილების გაზიარება; შესაბამის ადგილობრივ და საერთაშორისო ორგანიზაციებთან ურთიერთობა;

„ვ) კულტურის სფეროს მიკუთვნებული საერთაშორისო და გაცვლითი ღონისძიებების განხორციელება, თბილისთან დამძობილებულ ან/და მსოფლიოს სხვა ქალაქებთან ერთობლივი აქტივობების დაგეგმვა და განხორციელება;“;

ბ.ბ) „თ“ ქვეპუნქტი ჩამოყალიბდეს შემდეგი რედაქციით:

„თ) ინკლუზიური ხელოვნების და განათლების მიმართულების განვითარება;“;

ბ.გ) „ლ“ ქვეპუნქტი ჩამოყალიბდეს შემდეგი რედაქციით:

„ლ) შემოქმედებითი ინდუსტრიის განვითარების ხელშეწყობა და ამ მიმართულებით კონკურსების ორგანიზება;“;

ბ.დ) „ნ“ ქვეპუნქტი ამოღებულ იქნეს.

გ) მე-4 პუნქტი ჩამოყალიბდეს შემდეგი რედაქციით:

„4. კომპეტენციის ფარგლებში განათლების და ახალგაზრდულ საქმეთა განყოფილების ფუნქციებია:

ა) განათლების საქალაქო სფეროს განვითარებისა და ახალგაზრდულ საქმეთა სფეროში მუნიციპალური პროგრამების მომზადება და მართვის ორგანიზება, ამ მიზნით შესაბამისი წინადადებებისა და კონცეფციების შემუშავება;

ბ) განათლების და ახალგაზრდობის სფეროს პერსპექტიული განვითარების ძირითადი მიმართულებების, აგრეთვე, ამ სფეროს მარეგულირებელი სამართლებრივი აქტების პროექტების მომზადება;

გ) განათლების და ახალგაზრდობის მიმართულებით საქალაქო პროგრამების მიმდინარეობისას ადმინისტრირებისა და ანალიტიკური სამუშაოების განხორციელება;

დ) განყოფილების კომპეტენციის ფარგლებში, სამსახურის დაქვემდებარებაში მყოფ იურიდიულ პირებში ინფრასტრუქტურული პროექტების განხორციელება და მათი მატერიალურ-ტექნიკური ბაზის გაუმჯობესება;

ე) განათლების და ახალგაზრდობის მიმართულებით ინფრასტრუქტურის განვითარება, ახალი ცენტრების მშენებლობის მიზნით პროექტების მომზადება და განხორციელება;

ვ) სამსახურის დაქვემდებარებაში მყოფი საგანმანათლებლო, სკოლისგარეშე და ახალგაზრდული დაწესებულებების საქმიანობის კოორდინაცია;

ზ) საერთაშორისო პროგრამების დანერგვის ხელშეწყობა, დამეგობრებულ ქალაქებთან ერთად ერთობლივი საგანმანათლებლო და ახალგაზრდული პროგრამების განხორციელება;

თ) ახალგაზრდულ ორგანიზაციებთან თანამშრომლობის განვითარება და მათი საქმიანობის მხარდაჭერა, ახალგაზრდული ინიციატივების წახალისება, ახალგაზრდების განვითარებისა და მათი პოტენციალის რეალიზების ხელშეწყობა;

ი) ევროკავშირის ახალგაზრდულ პროგრამებში მონაწილეობის უზრუნველყოფა;

კ) ახალგაზრდებში მოხალისეობის განვითარება, სოციალური მეწარმეობის პროექტების მხარდაჭერა, ახალგაზრდულ სფეროში დასაქმებული კადრების კვალიფიკაციის ამაღლების ხელშეწყობა, ახალგაზრდობის სფეროში ერთიანი სახელმწიფო პოლიტიკის გატარება;

ლ) ახალგაზრდებისათვის დასვენების, რეკრეაციის, გართობის, დასაქმების, ჯანმრთელობისა და კეთილდღეობის ხელშეწყობა, ამ მიზნით შესაბამისი პროექტების და პროგრამების განხორციელება;

მ) განათლების და ახალგაზრდულ საქმეთა განყოფილების კომპეტენციის ფარგლებში, საჭირო ბიუჯეტისა და სახელმწიფო შესყიდვების დაგეგმვა და სახელმწიფო შესყიდვის განსახორციელებლად შესაბამისი დოკუმენტაციის მომზადება;

ნ) წარმატებული სტუდენტების წახალისება, უმაღლესი განათლების მხარდაჭერა და სტუდენტთა ხელშეწყობის მიზნით შესაბამისი დაფინანსების პროგრამების განხორციელება;

ო) პროფესიული განვითარების, მათ შორის პროფესიული მომზადების/გადამზადების პროგრამების შემუშავებაში და განხორციელებაში მონაწილეობა;

პ) სამსახურის დაქვემდებარებაში მყოფი იურიდიული პირების წლიური ანგარიშების შესწავლა;

ჟ) საქართველოს კანონმდებლობით გათვალისწინებული სხვა უფლებამოსილებების განხორციელება.”;

დ) მე-5 პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ) სპორტის სფეროში სხვადასხვა იურიდიულ პირთან თანამშრომლობა;“;

ე) მე-5 პუნქტს „დ“ ქვეპუნქტის შემდეგ დაემატოს შემდეგი შინაარსის „დ¹“ ქვეპუნქტი:

„დ¹) სპორტული მედიცინის და ფიზიკური რეაბილიტაციის სერვისების განვითარების ხელშეწყობა;

ვ) მე-5 პუნქტის „ვ“ ქვეპუნქტი ჩამოყალიბდეს შემდეგი რედაქციით:

„ვ) მსოფლიო და ევროპის ჩემპიონატებში და საერთაშორისო ტურნირებში თბილისის მერიის სპორტული დელეგაციების, მწვრთნელთა და დამხმარე პერსონალის მივლინება;“;

ზ) მე-6 პუნქტი ჩამოყალიბდეს შემდეგი რედაქციით:

„6. კომპეტენციის ფარგლებში, მონიტორინგისა და შეფასების განყოფილების ფუნქციებია:

ა) სამსახურის დაქვემდებარებაში მყოფი იურიდიული პირების საქმიანობის მონიტორინგი;

ბ) საჭიროებისამებრ, სამსახურის დაქვემდებარებაში მყოფი იურიდიული პირების პრობლემების იდენტიფიცირება და საჭიროებების დადგენა;

გ) მუნიციპალური პროგრამების, ღონისძიებების/ აქტივობების/ პროექტების მიმდინარეობის მონიტორინგი, შეფასება და შესაბამისი დასკვნების მომზადება;

დ) დაფინანსებული პროექტების განხორციელების შესახებ დადებული ხელშეკრულების საფუძველზე, ფაქტობრივი ხარჯვის დამადასტურებელი დოკუმენტაციის წარმოდგენის ვადების კონტროლი, წარმოდგენილი დოკუმენტაციის ფინანსური და სამართლებრივი მხარის შესწავლა/ვიზუალური მასალის გაცნობა;

ე) მონიტორინგის ოქმების ფორმების შემუშავება, მოხსენებითი ბარათისა და მიღება-ჩაბარების აქტის მომზადება;

ვ) პროექტების განხორციელების შესახებ დადებული ხელშეკრულებით მეორე მხარის მიერ ნაკისრი ვალდებულებების დარღვევის შემთხვევაში საჯარიმო სანქციების გაანგარიშება, სამსახურის შემდეგი პროგრამების მიმართულებით: „კულტურის სფეროს განვითარების ხელშეწყობა“ (კოდი: 08 05), „შემოქმედებითი თბილისი“ (კოდი: 08 09) და „ინკლუზიური ხელოვნების და განათლების ხელშეწყობა (კოდი: 08 13);

ზ) სამსახურის დაქვემდებარებაში მყოფი იურიდიული პირების სამუშაო პროცესის მონიტორინგი;

თ) სამსახურის სახელმწიფო შესყიდვების შესახებ ხელშეკრულების შესრულების მონიტორინგი, შესრულების ვადების კონტროლი, შესაბამისი მოხსენებითი ბარათების და ინსპექტირების აქტების მომზადება;“;

ი) მატერიალურ-ტექნიკური ბაზის აღრიცხვა;

კ) ინვენტარიზაციის პროცესის მართვა;

ლ) სრულ ინდივიდუალურ მატერიალურ პასუხისმგებლობაზე ხელშეკრულებების მომზადება;

მ) სამსახურებრივი ინსპექტირების განმახორციელებელი სტრუქტურული ერთეულის/ორგანოს მიერ შემოწმებული მუნიციპალური ობიექტების დასკვნების შესწავლა და რეაგირება;

ნ) მონიტორინგისა და შეფასების განყოფილების მიერ განხორციელებული საქმიანობის შესახებ ანგარიშის მომზადება;

ო) სამართლებრივი აქტების პროექტების შემუშავება.“.

მუხლი 2. დადგენილება ამოქმედდეს გამოქვეყნებისთანავე.

ქალაქ თბილისის მუნიციპალიტეტის
საკრებულოს თავმჯდომარე

გიორგი ტყემალაძე

„ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში ცვლილების შეტანის შესახებ“

ქალაქ თბილისის მუნიციპალიტეტის საკრებულოს დადგენილების პროექტის განმარტებითი ბარათი

ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი/ პროექტის დამახასიათებელი ძირითადი ნიშნები:

„ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-12 დადგენილებაში შედის ცვლილება (www.matsne.gov.ge; 16/01/2018; N010260020.35.101.016458), როგორც ტექნიკური და ორგანიზაციული ხასიათის, აგრეთვე, შინაარსობრივი ხასიათის.

ზემოაღნიშნული ცვლილების შინაარსობრივი ნაწილის მიხედვით, ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის (შემდგომში -სამსახური) დებულების (შემდგომში - დებულება) მე-5 მუხლის მე-2 პუნქტის „ლ“ ქვეპუნქტი ყალიბდება ახალი რედაქციით, კერძოდ, მონუმენტური სახვითი ხელოვნების ძეგლის (ქანდაკების), ობელისკის, მემორიალური დაფისა და სხვა მემორიალური ობიექტის ნაცვლად ჩაიწერება არქიტექტურულ-მხატვრული კომპოზიცია და მემორიალური დაფა, რაც შესაბამისობაში იქნება „კულტურის შესახებ“ საქართველოს კანონსა და სხვა ნორმატიულ აქტებთან.

მე-5 მუხლის მე-4 პუნქტს, სამსახურის განათლების და ახალგაზრდულ საქმეთა განყოფილების ფუნქციებს დაემატება: წარმატებული სტუდენტების წახალისება, უმაღლესი განათლების მხარდაჭერა და სტუდენტთა ხელშეწყობის მიზნით შესაბამისი დაფინანსების პროგრამების განხორციელება; აგრეთვე, პროფესიული განვითარების, მათ შორის პროფესიული მომზადების/გადამზადების პროგრამების შემუშავებაში და განხორციელებაში მონაწილეობა;

ზემოაღნიშნულ ფუნქციებს, ნორმატიული აქტების შესაბამისად, სამსახური ახორციელებს, შესაბამისად, მიზანშეწონილია დებულებაში გამოიყოს ცალკე და დაკონკრეტდეს.

მე-5 მუხლის მე-5 პუნქტს „დ“ ქვეპუნქტის შემდეგ დაემატება შემდეგი შინაარსის „დ¹“ ქვეპუნქტი:

„დ¹) სპორტული მედიცინის და ფიზიკური რეაბილიტაციის სერვისების განვითარების ხელშეწყობა;

სპორტული მედიცინისა და ფიზიკური რეაბილიტაციის სერვისების განვითარება ძალიან მნიშვნელოვანია, ვინაიდან იგი ხელს შეუწყობს ჯანსაღი ცხოვრების წესის, ასევე პროფესიული სპორტის განვითარებას. შესაბამისად, მიზანშეწონილია, რომ პროფესიული სპორტისა და ჯანსაღი ცხოვრების წესის პოპულარიზაციისთვის შეიქმნას შესაბამისი მუნიციპალური პროგრამები და ხელი შეეწყოს ამ მიმართულებით პროექტების განხორციელებას, რაც თავის მხრივ ხელს შეუწყობს მოქალაქეებისთვის სპორტული მედიცინის და ფიზიკური რეაბილიტაციის სერვისების ხელმისაწვდომობას.

მე-5 მუხლის მე-6 პუნქტი ყალიბდება ახალი რედაქციით. მონიტორინგისა და შეფასების განყოფილების ფუნქციებიდან ამოღებული იქნება სამსახურის სტრუქტურული

ქვედანაყოფების მიერ გაწეული სამუშაოებისა და დაგეგმილი საბიუჯეტო სახსრების გეგმიური შესრულების ანალიზი; აგრეთვე, მონიტორინგისა და შეფასების განყოფილების ფუნქციებიდან ამოღებული იქნება, სამსახურს დაქვემდებარებული ობიექტების წლიური ანგარიშების შესწავლა. აღნიშნულ ფუნქციას ახორციელებენ, სამსახურის სხვა განყოფილებები, შესაბამისად, ამ ფუნქციის საჭიროება მონიტორინგისა და შეფასების განყოფილებაში არ არის.

აგრეთვე, მე-5 მუხლის მე-6 პუნქტი „ვ“ ქვეპუნქტში დაკონკრეტდება, რომ პროექტების განხორციელების შესახებ დადებული ხელშეკრულებით მეორე მხარის მიერ ნაკისრი ვალდებულებების დარღვევის შემთხვევაში საჯარიმო სანქციების გაანგარიშება მოხდება, სამსახურის შემდეგი პროგრამების მიმართულებით: „კულტურის სფეროს განვითარების ხელშეწყობა“ (კოდი: 08 05), „შემოქმედებითი თბილისი“ (კოდი: 08 09) და „ინკლუზიური ხელოვნების და განათლების ხელშეწყობა (კოდი: 08 13);

მე-5 მუხლის მე-6 პუნქტს დამატება შემდეგი შინაარსის „ნ“ და „ო“ ქვეპუნქტები:

„ნ) მონიტორინგისა და შეფასების განყოფილების მიერ განხორციელებული საქმიანობის შესახებ ანგარიშის მომზადება;

ო) სამართლებრივი აქტების და სამართლებრივი აქტების პროექტების შემუშავება.“. აღნიშნული ქვეპუნქტების დამატების საჭიროება გამოიკვეთა ზემოაღნიშნული განყოფილების პრაქტიკული საქმიანობიდან გამომდინარე.

ბ) პროექტის საფინანსო-ეკონომიკური გაანგარიშება:

პროექტის მიღება არ გამოიწვევს დამატებითი ხარჯების გამოყოფას ქალაქ თბილისის მუნიციპალიტეტის ბიუჯეტიდან.

გ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):

დადგენილების ამოქმედება არ მოახდენს ზეგავლენას ბავშვთა უფლებრივ მდგომარეობაზე.

დ) გენდერული თანასწორობის მდგომარეობაზე მოსალოდნელი ზეგავლენის შეფასება:

სამართლებრივი აქტის პროექტი არ ახდენს ზეგავლენას გენდერული თანასწორობის მდგომარეობაზე.

ე) პროექტის ავტორი (ავტორები):

ქალაქ თბილისის მუნიციპალიტეტის მერია.

ვ) პროექტის წარმდგენი:

ქალაქ თბილისის მუნიციპალიტეტის მერი.